

Ինչպես ստույգիսյան ագրարային քաղաքականության այլ միջոցառումները, այնպես էլ 1912 թ. դեկտեմբերի 20-ի օրենքը չտվեց այն արդյունքները, ինչ նախատեսել էր ցարիզմը: Նախ շատ սահմանափակ տարածում ունեցող օրենքը և հետո գյուղացիների տնտեսական ուժերից վեր էր հողանման բարձր վճարումների կատարելը: Արտադրողական ուժերի զարգացմանը շատ էին խանգարում նաև պետական գյուղացիներին հողի սեփականատեր շնանաչելը, պետական ծանր հարկերը և, որ ամենագլխավորն է՝ պահպանվում էր ճորտատիրության և աշխատավճարումների ամենահիմնական բազան՝ կալվածատիրական հողատիրությունը²³:

2. ՀԱՍԱՐԱԿԱԿԱՆ ԲԱՌՈՒՄՆԵՐԸ ԱՐԵՎԵԼԱՀԱՅ ԻՐԱԿԱՆՈՒԹՅԱՆ ՄԵՁ: ՉՈՐՐՈՐԴ ՊԵՏԱԿԱՆ ԴՈՒՄԱՆ

Ռուսական առաջին հեղափոխության, նրան հաջորդած ռեակցիայի, ապա հեղափոխական նոր վերելքի տարիները քննության ժամանակաշրջան հանդիսացան ոչ միայն համառուսաստանյան պրոլետարիատի և աշխատավոր գյուղացիության ու նրանց շահերն արտահայտող բոլշևիկների կուսակցության, այլև բուրժուական, մանր-բուրժուական կուսակցությունների և կազմակերպությունների համար:

Յարական իշխանությունները Նովոչերկասկ քաղաքում դաշնակցականների դեմ սկսած դատական նախաքննությունը փորձեցին օգտագործել ողջ հայ մտավորականությանը «սեպարատիզմի» մեջ մեղադրելու համար: Դաշնակցականների «գործի» կապակցությամբ ծագած աղմուկը, որ տևեց մի քանի տարի, հարմար առիթ էր ժողովուրդների ուշադրությունը սոցիալական խընդիրներից շեղելու համար:

«Դաշնակցության գործի» բուն քննությունն սկսվեց Պետերբուրգում Սենատի դատական ատյանում 1912 թ. հունվարի 17-ին: Մեղադրանքը՝ «հեղափոխական» գործունեության և իշխանության մի շարք ներկայացուցիչների սպանության համար ներկայացվում էր քրեական օրենսդրքի 102 հոդվածով: Մեղադրվող 159 մարդուց 9-ը բացակայում էին, 2-ը մահացել էին բանտում: Մեղադրյալների մեջ կային մի խումբ աշքի ընկնող դաշնակցական գործիչներ, շարքային դաշնակցականներ և անկուսակցական մարդիկ, ի շարս որոնց հայանի հայ կապիտալիստներ Ա. Մելիք-Ազարյանը, Շապուշիկյանը, Գենչոզյանը և ուրիշներ:

Դաշնակցականների հետ մեղադրյալի աթոռին նստած անկուսակցականների, այդ թվում մի երկու հայ կապիտալիստի առկայությունը պետք է բացատրել մի կողմից կեղծ փաստարկների հիման վրա կազմված դատական նախաքննությամբ, մյուս կողմից ցարական իշխանությունների միտումով՝ համահայկական բնույթ տալու դատավարությանը: Այդ չի նշանակում, իհարկե, որ կապիտալիստների մեջ չեն կարող լինել ահի կամ շահի նկատառումներով դաշնակցականներին զուամբներ տրամադրող, կամ նրանց համակրող հայ հարուստներ: Հենց այդ հարուստների ահաբեկված ազգականներն էին, որ իրենց քսակների բերանները լայն բաց էին արել և պաշտպանության հրավիրել ռուսական իրավաբանության ամենանշանավոր դեմքերին.

23 Տե՛ս Մ. Ա. Խոնդկարյան, նշված աշխ., էջ 169—171:

այդ թվում՝ Ա. Կերեանկուն, Օ. Գրուզենբերգին, Կարաբչևսկուն, Զարուգուն, Տեպեկնեկոյին, Սոկոլովին, Բերանշտամին, Կազարինովին, Խամետովսկուն և այլոց²⁴։

Դատավարությունը դեռ նոր էր սկսվել, երբ դատապարտյալներին հաջողվում է հայտնաբերել նախաքննական ակտի մեջ մի շարք փաստաթղթերի կորուստ և կեղծիքներ։ Արդարադատության միևնույն ստիպմամբ է լինում նոր քննություն նշանակել, որն իրոք բացահայտում է բազմաթիվ կեղծումներ։ Պարզվում է, որ լրժինը իր նախաքննության ժամանակ ոչ միայն միտումնավոր կերպով հախուռն մեղադրանքներ էր ներկայացրել դաշնակցության հետ առնչություն չունեցող որոշ անձնավորությունների²⁵, այլև 23 մեծ կեղծում և 20-ից ավելի ուղղումներ էր կատարել։

Ռուսական լիբերալ մամուլը և պետական դումայի կազետական պատգամավորները, զգո՜հ ցարիզմի ոչ ճկուն քաղաքականությունից, քննադատության տակ առան այդ պրոցեսը։ Ահա թե ինչ էր գրում միլյուկովյան «Ռեչը» 1912 թ. փետրվարի 14-ի առաջնորդողում. «Դաշնակցության գործը, որ երկու շաբաթից ի վեր քննվում է կառավարիչ սենատի մեջ դոնփակ, շարունակում է զրավել մամուլի ուշադրությունը։ Երեկվա երկկույան լրագրերը հազորդեցին նոր տեղեկություններ մի կողմից դոկումենտների հանցավոր անհետացման մասին, մյուս կողմից անհավատալի կեղծիքների մասին»²⁶։

Պետերբուրգյան դատավարությունը տևեց, ավելի քան երկու ամիս։ Դատավարության ընթացքում չհաջողվեց ապացուցել հայ ժողովրդի «սեպարատիզմը», իսկ ցարական դատարանի այլանդակ էությունը զգալիորեն մերկացվեց։ Կառավարությունը կամա թե ակամա պետք է հաշվի առներ բարձրացող քննադատությունը։ Եվ որքան էլ ատամները սեղմեին ցարական պաշտոնյաները, նախատեսվող խստագույն պատիժներից պետք է հրաժարվեին։ Եվ երբ 1912 թ. մարտի 19-ին հայտարարվեց դատավճիռը, ապա անմեղ ճանաչվեցին 94 մարդ, այդ թվում մի ոմն Դոգոշին, որը շուրջ տարի տառապել էր բանտերում։ Տաժանակիր աշխատանքի դատապարտվեցին՝ 4—6 տարի ժամկետով 4 մարդ, մյուսները՝ ավելի փոքր ժամկետներով²⁷։ Աքսորի և բանտարկության դատապարտված որոշ մեղադրյալներ բողոքեցին և նորից գործ հարուցեցին իրենց նկատմամբ եղած դատավճիռները փոխել տալու համար։

Այսպես, համեմատաբար «խաղաղ» վերջացավ դաշնակցության մեծադղորդ դատավարությունը։ Սակայն այդ «մեղմությունն» ուներ նաև այլ պատճառներ։ Դա 1912 թ. սկսած Ռուսաստանի արտաքին քաղաքականության աշխտածացումն էր Բալկանյան երկրներում, որից և բխում էր Թուրքիայի դեմ գործող ընդդիմադիր ուժերին հովանավորելու անհրաժեշտությունը։ Բալկանյան հարցի հետ Հայկական հարցի վերաբացումը, որի մեջ ցարիզմը որոշակի շահագրգռություն էր հանդես բերում, ուղղակի թե անուղղակի շեղ կարող չաղաղագույնությամբ հայկական ազգային շարժման և կառավարություններից ցույց տրվելիք վերաբերմունքի վրա։ Այս մթնոլորտում էր, որ նույնիսկ այնպիսի սահարյուրյակային թերթ, ինչպիսին «Նովոյե վրեմյան» էր, տպագրում էր երբեմն «Հայաստրական» հոդվածներ, որոնցից մեկը ավարտվում էր վաղեմի

²⁴ Տե՛ս «Մշակ», 1912, № 9, 10, 19, 32։

²⁵ Տե՛ս «Մշակ», 1912, № 49։

²⁶ «Մշակ», 1912, № 37։

²⁷ Տե՛ս «Մշակ» 1912, № 64։

«երանելի» ժամանակները վերապատմող և շա՛մ բնորոշ հետևյալ տողերով՝ «քայց այդ բոլորը այժմ անցած են և աստիճանաբար սկսվել է վերադարձը դեպի անցյալը, Երմուլովի և Պասկևիչի ժամանակները, երբ եպիսկոպոս Ներսեսը, ապագա կաթողիկոսը և Անդրեյան կավալերը—առաջին վրնվորների հետ կանգնած էր որպես հայ կամավորների ղեկավար²⁸, Սա արդեն հայ ժողովրդին ուղղված զինական համագործակցության պատվեր էր, ապագա պատերազմին ակտիվորեն մասնակցելու կոչ:

• • •

Հեղափոխության նոր վերելքի տարիներին, ինչպես ամբողջ երկրում, այնպես էլ Անդրկովկասում ու Հայաստանում, հեղափոխական սոցիալ-դեմոկրատիայի ու հակոտնյա կուսակցությունների և կազմակերպությունների բախումն արտահայտվում էր նաև Պետական դռմայի ընտրությունների շուրջը:

Երրորդ պետական դռմայի անփառունակ զործունեությունը լավ բան չէր խոստանում նաև հաջորդ՝ Չորրորդ դռմային: Արտաքին տպավորությամբ այս նոր դռմայի գումարումը ևս հաղթանակ էր բերելու աջ տարերին, միապետական մեծամասնությանը:

Սակայն ծայր առած բանվորական շարժումներն ու գյուղացիական հուղումներն իրենց կնիքն էին դնում հասարակական-քաղաքական կյանքի վրա: Երկիրը քնակոխում էր հեղափոխական նոր վերելքի ժամանակաշրջան: Այս պայմաններում էր, որ 1912 թ. օգոստոսին հրամանագիր եղավ Երրորդ պետական դռման արձակելու և նոր դռմա գումարելու մասին: Սեպտեմբերին ամբողջ երկրում սկսվեցին պատվիրակների ընտրությունները, որոնք ընտրելու էին դռմայի պատգամավորները:

1907 թ. հունիսերեքյան ընտրական օրենքի սահմանափակիչ պայմաններում խիստ դժվարացել էր ազգային ծայրամասերի կողմից պատգամավորներ, առավել ևս բոլշևիկ պատգամավորներ առաջադրելու հնարավորությունը: Արեւմտահայ իրականության մեջ ինչպես նախորդ, այնպես էլ այս ընտրությունների ժամանակ Երևանի, Ելիսավետպոլի և Բաքվի նահանգների քրիստոնյա և մահմեդական բնակչության, այսպես կոչված, հայկական և աղբրեջանական կուրիաների կողմից առաջադրվում էին ընդամենը երկու պատգամավորներ մեկը՝ հայ, մյուսը՝ աղբրեջանի:

Բոլշևիկները, մասնակցելով ընտրություններին և հաղթահարելով բազմաթիվ դժվարություններ, այնուամենայնիվ կարողանում են մի շարք վայրերում պատվիրակներ անցկացնել հեղափոխական սոցիալ-դեմոկրատներին ցանկալի անձնավորությունների, իսկ Կաղզվանի 4-րդ ընտրական օկրուգում՝ բոլշևիկ Հովհաննես Սարուխանյանին²⁹:

Սակայն ընտրական սուղ և անհավասար պայմաններում հիմնական ապարեզը այնուամենայնիվ մնում էր մանրբուրժուական ու բուրժուական կուսակցությունների պատգամավորներին, որոնց պաշտպանությամբ էլ հանդես էին գալիս մամուլի տեղական օրգանները: Հայկական մամուլը որպես հնա-

²⁸ «Մշակ», 1912, № 145.

²⁹ Տե՛ս «Հայաստանի կոմունիստական կուսակցության պատմության ուղիղագծեր», Երևան, 1967, էջ 157:

րավոր թեկնածուներ մատնանում էր «Մշակի» խմբագիրներից Ա. Քալանթարին, Թիֆլիսի քաղաքագլուխ Ա. խատիսյանին, հասարակական, ազգային գործիչներ Կ. Խատիսյանին, Ս. Հարությունյանին և Մ. Պապաջանյանին³⁰։

Դաշնակցական մամուլը վերստին անդրադառնալով 2-րդ և 3-րդ պետական դումաների պատգամավոր Հ. Սաղաթելյանին, առաջադրում էր նաև Բարձի «հասարակական գործիչներ» Պ. Կարա-Մուրզայի և Տ. Բեկզադյանի թեկնածությունները, 1912 թ. հոկտեմբեր ամսվա ընթացքում պատվիրակների ընտրության ժամանակ մամուլն սկսում է գրել այլ «արժանավոր» թեկնածուների մասին, որոնցից հատկապես ծանրանում է «Մշակի» խմբագիրներից Հ. Առաքելյանի, Երևանի քաղաքագլուխ Հ. Մելիք-Աղամալյանի, Ալեքսանդրապոլի նախկին քաղաքագլուխ Հ. Տիգրանյանի և իրավաբան Պ. Դուրխանյանի վրա։ Այս նոր թեկնածուների շուրջն էլ կարծիքներ են փոխանակվում թերթերում։

Վերջապես հոկտեմբերի 20-ին ելիսավեստոյ քաղաքում (Գանձակ) տեղի է ունենում 4-րդ պետական դումայի հայ պատգամավորի ընտրությունը։ Վերջնական համաձայնությամբ քվեները կենտրոնանում են երեք անձնավորությունների շուրջը՝ Մ. Պապաջանյանի, Հ. Սաղաթելյանի և Տ. Բեկզադյանի։ Ընտրվում է իրավաբան Մ. Պապաջանյանը։ Դա լիբերալների հաղթանակն էր 4-րդ պետական դումայի անդրկովկասյան մյուս պատգամավորներն էին Ն. Զիեի-ձեն, Ա. Զիենկելին (մենշևիկներ), Մ. Սկոբելև (երկառամասի ռուս քնակչության կողմից՝ նույնպես մենշևիկ), Վ. Գելովանին (ֆեդերալիստ) և Մ. Զաֆարովը (մուսուլմանական լիգա)։

Դումայի բացումը տեղի ունեցավ 1912 թ. նոյեմբերի 15-ին, դեռևս մեկ շաբաթ առաջ սկսված բողոքի հուժկու գործադուլների ուղեկցությամբ՝ ընդդեմ Սևծովյան նավատորմի լայնածավալ նավաստիների նկատմամբ որոշված մահապատժի։

Պետական դումայում Մ. Պապաջանյանը հարում է կադետներին և սրանց համակիր խմբակցություններին, սերտ հարաբերություններ ստեղծելով նրանց ղեկավարների՝ Պ. Միլյուկովի, Ա. Շինգարևի, Վ. Մակլակովի, Ֆ. Բոդիլևի, Մ. Անձեմյանի և այլոց հետ։ 1913 թ. նոյեմբերի 26-ի պետական դումայի նիստում նա հանգես է գալիս Անդրկովկասում անբերրիությունից տուժած բնակչությանն օգնություն ցույց տալու հարցի կապակցությամբ և ընդգծում, որ կառավարական նպատամատույց հանձնաժողովի տրամադրած նույնիսկ սուղ միջոցները չեն հասնում բնակչությանը։ Մ. Պապաջանյանը ուշադրություն է հրավիրում այն բնորոշ երևույթի վրա, որ գյուղացիությունը, հատկապես լեռնային և նախալեռնային շրջանների սովյալ հայ և ադրբեջանցի բնակչությունը, հրաժարվում է դրամական փոխօգնությունից, շատ լավ ըմբռնելով, որ հնտազայում դրա բնագանձումը իրենց աղքատացած տնտեսությունները վերջնական քայքայման կհասցեն³¹։

1913 թ. հունիսի 6-ի նիստում, երբ քննարկվում է արտաքին գործերի մի-նիստության բյուջեն, վիճարանություններ բացում է Պ. Միլյուկովը։ Անդրադառնալով բալկանյան ճգնաժամի կապակցությամբ նաև Արևմտյան Հայաստանում բարենորոգումներ մտցնելու հարցին, նա կոչ է անում ռուսական

30 Տե՛ս «Մշակ», 1912, № 209.

31 Տե՛ս «Стенографический отчет Государственной Думы», четвертый созыв, сессия вторая, стр. 1403—1404.

կառավարությանը զբաղվել այդ խնդրով: Այդ առիթով հանդես եկած Մ. Պապազանյանի ելույթը նվիրված էր Հայկական հարցին:

Չմոռանալով հաճախստություններ ասել ցարական Ռուսաստանի՝ «Արևմտյան քրիստոնյաների այդ դարավոր պաշտպանի» հասցեին, նա շնորհակալություն է հայտնում նաև կոմս Վ. Բորքինսկուն, 4-րդ դումայում աշերի պարագլուխներից մեկին, վերջինիս այն հայտարարության համար, թե արևելահայերի մոտ հակառուսական, սեպարատիստական ձգտումներ չկան: Խոսելով Արևմտյան Հայաստանում կիրառվող ջարդերի և հայահալած քաղաքականության մասին, Մ. Պապազանյանը հակադրվում է մենշևիկ Ա. Չխենկելուն, որը պահանջում էր ձեռնպահ մնալ Թուրքիայում հայերի վիճակի վերաբերյալ բարենորոգումներ անցկացնելուց: Բազմաթիվ ակնառու փաստեր բերելով, նա ցույց է տալիս, որ նույնիսկ արևմտահայերը Թուրքիայից քաղաքականորեն անջատվելու մտադրություն չունեն, այլ պահանջում են միմիայն կյանքի, դուլքի, պատվի և կուլտուրական զարգացման ապահովություն³²: Մ. Պապազանյանի այս ելույթը լայն արձագանք է գտնում ինչպես հայկական մամուլում, այնպես էլ ռուսական լիբերալ թերթերում:

Առաջին համաշխարհային պատերազմի նախօրյակին՝ 1914 թ. մայիսի 10-ին, դումայում, երբ կրկին հարց է լինում Թուրքիայի մասին, Մ. Պապազանյանի հերթական ելույթից հետո դարձյալ հանդես է գալիս Ա. Չխենկելին և առարկում Արևմտյան Հայաստանի ինքնավարության՝ «Հայկական Մակեդոնիա» ստեղծելու դեմ³³:

Այս տրամադրությունը արտահայտեց նաև ամենաաջ պատգամավոր, կատաղի միապետական և սեհարյուրակայինների առաջնորդ Ն. Մարկով 11-ը, հայտարարելով. «Նս հարցնում եմ ի՞նչ կարիք ունի Ռուսաստանը Կովկասի սահմաններին կից ստեղծելու Հայաստան, որը բնականորեն կձգտի իրեն միացնել Ռուսական Հայաստանը...»³⁴:

Թուրքիայի կազմում հայկական ինքնավարություն ստեղծելու մասին հարցի արժարժումը շնայած իմպերիալիստական երկրների խաբկանք էր, այնուամենայնիվ դիմադրություն էր առաջացնում բուրժուականավածատիրական, ազգայնական շրջաններում: Եվ այդ դիմադրությունը, բացահայտ թե քողարկված ձևով, շարունակվեց նաև հետագա տարիներին:

Ավելի մեծ՝ դումայական և արտադումայական գործունեություն է ծավալում Մ. Պապազանյանը առաջին համաշխարհային պատերազմի տարիներին. երբ Հայկական հարցը թեև կոխում էր իր պատմության ամենամուռ ժամանակաշրջանը: Հայ ժողովրդի «շահերի» լիբերալ-բուրժուական պաշտպանությունը, հայ ժողովրդի «շահերի» և ռուսական իմպերիալիստական բուրժուազիայի քաղաքականության «համաձայնեցումը», ավելի ճիշտ առաջինի կենթարկում էր երկրորդին, ահա սա է եղել 4-րդ պետական դումայի հայ պատգամավոր Մ. Պապազանյանի գործունեության գլխավոր նպատակը:

Սակայն դումայում լսվում էր նաև Ռուսաստանի աշխատավորական զանգվածների ձայնը: Նրանց շահերի արտահայտչինը հեղափոխական սոցիալ-դեմոկրատներն էին, բուլշևիկ պատգամավորները: Սոցիալ-դեմոկրատական ֆրակցիայի կողմից 1912 թ. դեկտեմբերի 14-ին կատարած հենց առաջին

32 ՏՆՊ՝ «Մշակ», 1913, № 146—147:

33 ՏՆՊ՝ ՀՍՍՀ ԿԳՊԱ, ֆ. 57, ց. 2, գ. 713, ք. 12—14:

34 Նույն տեղում:

հարցապնդման կապակցությամբ, որը վերաբերում էր արհեստակցական միությունների նկատմամբ կառավարության վարած հալածանքներին, հանդես եկավ բոլշևիկ Ա. Բադաևը։ Նա ցույց տվեց, որ խախտելով 1906 թ. մարտի 4-ի օրենքը, կառավարությունը վեց տարվա ընթացքում փակել է մի քանի հարյուր միություններ և մերժել է գրանցել 700 նոր միություն։ Դրանց թվում «Մեռնողականության, բանվորների միությունը» Պետերբուրգում, որն ընդգրկում էր ավելի քան 4000 բանվոր, Բադաևի համարձակ ճառը, որ ուղեկցվում էր դումայի ձախակողմյան ֆրակցիաների բուռն ծափահարություններով ընդհատվում է նախագահի կարգադրությամբ³⁵։

Չեռնաբերկերի մասսայական լուկաուսների դեմ սոցիալ-դեմոկրատական ֆրակցիայի կողմից կատարած հարցապնդումը 1913 թ. մարտի 1-ին պաշտպանեցին պատգամավորներ՝ Ն. Շազովը և Ֆ. Սամոյլովը։

Բոլշևիկ պատգամավորների վեցյակը նախավոր բոլոր առիթներն օգտագործում էր մերկացնելու ցարական կառավարության քաղաքականությունը։ Նրանք հանդես էին գալիս՝ մամուլի առիթով առաջացնել հարցապնդման, ծրկրորդ դումայի պատգամավորների ձերբակալության ժամանակ կատարված պրովոկացիայի, գործադուլների, ապահովագրական ժողովների, հանքերում եղած փլուզումների, բանվորական լիազորների ձերբակալության, գործարաններում բանվորների մասսայական թունավորումների և բազմաթիվ այլ հարցերի կապակցությամբ։

Բոլշևիկյան ֆրակցիայի գործունեությունը ղեկավարում և ուղղություն էր տալիս Վ. Ի. Լենինը արտասահմանից³⁶։

3. ԲԱՆՎՈՐԱԿԱՆ ԶԱՐԺՈՒՄՆԵՐԸ ԵՎ ԳՅՈՒՂԱՑՈՒՄԱՆ ԵՆՈՒՅԹՆԵՐԸ, ԲՈՂՇԵՎԻԿԱՆ ԿԱԶՄԱԿԵՐՊՈՒԹՅՈՒՆՆԵՐԻ ԳՈՐԾՈՒՆԵՐՈՒԹՅՈՒՆԸ 1910—1914 ԹՎԱԿԱՆՆԵՐՈՒ

1905—1907 թվականների հեղափոխության պարտությունից հետո սկսված ռեակցիայի տիրապետությունը երկարատև չեղավ։ Արդեն 1910 թ. բանվորական շարժման աշխուժացումն ազդարարեց հեղափոխական շարժման նոր վերելքը։ Արդարացավ բոլշևիկների կանխատեսումը երկիրը հեղափոխական գոտեմարտերի նոր փուլ թևակոխելու մասին։ Վ. Ի. Լենինը 1910 թ. գրում էր. «Մեհարյուրյակային ռեակցիայի լիակատար տիրապետության շրջանը վերջացավ։ Սկսվում է նոր վերելքի շրջանը»³⁷։

Չնայած 1905—1907 թթ. գոտեմարտերից հետո ռեակցիայի տարիներին հեղափոխական շարժումները խիստ թուլացել էին, բայց լրիվ չէին մարել։ Աշխատավորական զանգվածների մեջ հասունացած խուլ դժգոհությունը մերթ ընդ մերթ արտահայտվում էր գործադուլների, գյուղացիական հուլումների, զինվորական ելույթների, սովորողների բողոքների ձևով։ Անկումայնության, հուսահատության հաղթահարման հետ միաժամանակ տիրող իրավակարգի դեմ ընդվզումը վերածվում է կազմակերպված շարժման։ 1910 թ. բացվում է Ռուսաստանի բանվորական շարժման նոր էջ։

³⁵ ՏՆ՝ «Стенографические отчеты Государственной Думы», четвертый созыв, 1912—1913 гг., сессия первая, часть первая, Петербург, 1913, стр. 776.

³⁶ ՏՆ՝ А. Бадаев, Большевики в Государственной Думе, М., 1964, стр. 206, 233, 243, 257.

³⁷ Վ. Ի. Լենին, Նժժ, հ. 20, էջ 30.